



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 120. De traditis bonis in villa Cogarden in pago Wikanavelde, et in villa Olenhus in pago Logne.

**urn:nbn:de:hbz:466:1-36114**

Ab anno  
866 usque  
853 im-  
perante  
Hludo-  
uico et

## §. 120.

Tradidit haddo quiddam habuit in *cogarden* (b) testes hodo orduuig uenni.

tradidit osger in *olenbus* (c) mansum unum testes marcuuardus adalgerus arnghot meynric ricbertus.

tradidit marcuuardus colonos duos et unum mancipium ita uocitantur huno hroddgeldus teodles.

## §. 121.

Tradiderunt in uilla iam saepius dicta *uffenleua* (d) homines isti singuli

est ad fluium Hunta in comitatu Diepholtano et circa monasterium Wildeshufen. Hoc iam supra demonstrauimus (§. 35). Ex hoc momento collegimus §. 104. not. (†††), *Benni* seu Bennonem, qui hæc tradidit, ad stirpem Widekindam esse referendum. In regione, flumini Hunta finitima, inueniuntur loca *Littel* et *Leete*. Vter vero illorum sit villa *Letiloun*, expiscari conabimur in *Clientela Corbeiensis*, ubi de nobilibus, de Diuinghelo dictis, sumus exposaturi.

De villa  
Cogar-  
den.

(b) Villa *Cogarden* erat in pago *Wikanauelde*. Illius iam supra saepius meminere traditiones.

De villa  
Olenhus.

(c) *Olenbus* villa reperitur in nostro Registro, posita in pago *Logne*. Subest ergo Olenhausen, in principatus Göttingensis praefectura Müнденi locus, praedium equestre generosissimum de Götzen cognominatorum.

De here-  
dibus du-  
cis Ostfa-  
lorum  
Hessi.

(d) Hic rursus prodeunt quidam heredes ducis Ostfalorum Hessi, quorum singuli portiones suas in *Uffenleua* villa pagi Norththuringi largiuntur. De plerisque iam supra (§. 104.) verbosius satisque egimus. Ad eum locum beneuolum lectorem delegamus, hic tantum obseruatiunculas quasdam interferentes, supra nondum intextas. Omnes singulosque, qui hic inter traditores numerantur, diuites fuisse adelingos, nemo temere negabit. *Meyndag*, qui primus est, supra §. 58. est testis, ubi sita in pago Guddinge quaedam tradebantur. Ipse praesto erat, cum Luidolfi vxor quaedam donaret, restante §. 126. At vero (§. 231.) *Meyndag* propinquus Beuonis, fratris Luidolfi ducis, appellatur. Fortassis autem hic *Meyndag* filius, ille vero pater, fuit. *Gelo*, qui sequitur, inter testes apparet §. 26. §. 3. et 71, ubi quaedam donata sunt, sita in pagis Logne, Ambergo, Auga ac Netga. Cum porro inter posteros Cobbonis comitis *Gelones* quidam occurrant, *Gelo* noster fortassis ad familiam Brunonianam spectauit, et filius Irminwardi I esse potuit. De Oddone egimus infra §. 188. *Reding* et *Wulfdag*, qui sequuntur, latent adhuc in obscuro. *Beuo* autem ac *Luidolf* sine ullo dubio fuere fratres et comites, de quibus egimus supra §. 104. not. (n). *Redboldum* quendam iam supra §. 104 inter coheredes Hessi deprehendimus. Fortassis ille pater, *Redboldus* autem noster filius fuit. De *Erpone*, eiusque posteris, comitibus de Patberg, infra mentem nostram aperiendi occasio dabitur. De *Gumblando* nihil habemus, quod afferre possimus. *Sibert* vero probabiliter inter progenitores comitum Northeimensium referendus videtur, fraterque fortasse Reginoldi atque Thiadhardi, de quibus eorumque posteris, inter quos nomen Siberti frequentissimum est, vide §. 104. not. (l). Inter testes *Sibertus* quidam apparet, cum testantibus §. 14, §. 8, quaedam donantur, in villis Buria atque Amplithi in pagis Hessi ac Guddingo sita. Hæc villæ in illis regionibus inueniuntur, in quibus progenitores Northeimensium comitum bona sua habuerunt. Confer præterea §. 2. et 7. et 335. *Esic*, qui sequitur, nullus videtur esse alius, atque *Esic comes*, de quo iam supra §. 110. not. (I) quaedam diximus, atque infra §. 133. pluribus agemus. *Tanchara* testis §. 47. erat, cum comes Immadus in pago Falhen quaedam largiretur. Si sit nomen eius vnum idemque atque nomen Thancger et Tanered, tunc inter testes ille reperitur §. 76. Ipse vero quaedam tradidit §. 94. in Guddingo pagi villa Amplithi. Quia ex eadem villa, uti ex §. 108. apparet, ad hereditatem ducis Hessi pertinuit, verò hac villa perspicere non possumus, ad quam potissime domum *Tancharadus* noster sit referen-